

mar, Lubeck, Luneborch, nu binnen Rostock tho dage vergadert.

*Woe de Bisschup van Munster sick met Focco Uken, Sybet in Ooltringe, und Imel tho Grimerlum, und mit andere Hovetlingen in Oostfreeslant verbunden heft, als volget.*

CCXXX. **W**Y Hindrich van Moerse van Gottes Gnaden Bisschup tho Munster bekennen mits dussen apenen breeve dat wy hebben ontfangen in dussen jegenwoordigen breeve Focco Uken Hovetlingh tho Lehr, Uken und Focken sin soens, Syber Hovetlinck in Rustringe und Oestringe, Imel Hovetlingh to Osterhuyten, Larrelte und Grimersum, Imel Hiskens Hovetlingh tho Embden, Enno Hovetlinck in de Crete, Wiart Hovetling to Uphuisen, Haye Ripperda Hovetling tho Farmsum, Haye tho Westerwolde, und Louwen Prowest tho Ottum, tho unsen und unses Gestichte gehuldeden Knechten und Deneren, und sint nah rade und vulboerdt der Versamen Dohmdekens und Capittels der Kercken tho Munster, und ander unse Mande frunde vorder mit ohne voreeniget, und malkanderen vorfruntschappet in duffer nabeschreven wyse: weert sake dat Occothom Broecke ofte jemant anders se ofte ohr lant, dar te mechtig sint, avervallen wulden mit vyanden, mit last, oft ander unrechter gewalt, in saken dar wy over thom eren und rechte machtig weren, und sick ohre ere und rechtes by uns, unsen Capittel, Ridder- scup, und Steden verbunden, und dar in uns und dussen voertz verfolgende, kunden wy dan dusse voertz binnen